



後漢書卷一百十六

宋

宣

城

太

守范曄撰

唐

章

懷

太

子賢注

南蠻西南夷傳第七十六

南蠻

昔高辛氏有犬戎之寇

高辛帝

患其侵暴而征伐不剋乃訪募天下有能得犬戎之將吳將軍頭者購黃

金千鎰邑萬家又妻以少女時帝有畜狗其毛五采名曰槃瓠

魏略曰高辛氏有老婦居王室得耳疾挑之乃得物大如繭婦人盛鄒中覆之以槃

瓠瓠化爲犬其文五色因名槃瓠

下令之後槃瓠遂銜人頭造闕下羣臣怪而診之乃吳將軍首也

診候也

帝大喜而計槃

瓠不可妻之以女又無封爵之道議欲有報而未知所宜女聞之以爲帝皇下令不可違信因請行帝不

得已乃以女配槃瓠槃瓠得女貢而走入南山止石室中所處險絕人跡不至

今辰州盧溪縣西有武山黃岡武陵記曰山高可萬

仞山半有槃瓠石室可容數萬人中有石牀槃瓠行跡今案山窟前有石羊石獸古跡奇異尤多望石窟大如三間屋遙見一石仍似狗形蠻俗相傳云是槃瓠象也

於是女解去衣裳爲

僕鑿之結著獨力之衣

僕鑿獨力皆未詳流俗本或有改鑿字爲鑿者妄穿鑿也結音誓

帝悲思之遣使尋求輒遇風雨震晦使者不得

進經三年生子一十二人六男六女槃瓠死後因自相夫妻織績水皮染以草實好五色衣服製裁皆有

尾形千寶晉紀曰武陵長沙盧江郡夷樂鄉之後也雜處五溪之內樂鄉憑山阻其母後歸以狀白帝於

是使迎致諸子衣裳斑蘭語言侏離侏離蠻夷語聲也好入山壑不樂平曠帝順其意賜以名山廣澤其後滋蔓

號曰蠻夷外癡內黠安土重舊以先父有功母帝之女田作賈販無關梁符傳租稅之賦優寵之故獨其賦役也荆州記

曰沅陵縣居酉口有上就武二鄉唯此有邑君長皆賜印綬冠用獺皮名渠帥曰精夫相呼為姚徒

是樂瓠子孫狗種也二鄉在武溪之北曰姚女人自稱姚我也音胡胡反此已上並見風俗通也今長沙武陵蠻是也其在唐虞與之要質故曰要服夏商之時漸為邊患逮

于周世黨衆彌盛宣王中興乃命方叔南伐蠻方詩人所謂蠻荆來威者也又曰蠡爾蠻荆大邦為讎時

小雅序曰采芑宣王南征也言采芑于彼新田顯允方叔振旅闐闐轟爾蠻荆大邦為讎注云方叔卿士命而為將也明其黨衆繁多是以抗敵諸夏也平王東遷

蠻遂侵暴上國晉文侯輔政乃率蔡共侯擊破之晉文侯仇也至楚武王時蠻與羅子共敗楚師殺其將屈瑕

左傳楚屈瑕伐羅及鄢亂次以濟其水遂無次且不設備羅與盧戎兩軍之大敗之莫敖縶于荒谷羣帥囚于治父也莊王初立莊王名旅穆王之子民飢兵弱復為所寇楚

師旣振然後乃服自是遂屬於楚鄢陵之役蠻與恭王合兵擊晉左傳晉楚戰于鄢陵晉卻至曰楚二卿相惡王卒以舊鄭陳而不整罷軍而不

陳也及吳起相悼王南并蠻越遂有洞庭蒼梧秦昭王使白起伐楚略取蠻夷始置黔中郡漢興改為武陵

黔中故城在今辰州沅陵縣西歲令大人輸布一匹小口二丈是謂蠻布說文曰南蠻賦也蠻群冬反雖時為寇盜而不足為郡國患

光武中興武陵蠻夷特盛建武二十三年精夫相單程等據其險隘大寇郡縣遣武威將軍劉尚發南郡

長沙武陵兵萬餘人乘船泝沅水入武谿擊之

沅水出群柯故且蘭東北經辰州澧州岳州經洞庭湖入江也

尙輕敵入險山深水疾舟

船不得上蠻氏知尙糧少入遠又不曉道徑遂屯聚守險尙食盡引還蠻緣路徼戰尙軍大敗悉爲所沒

二十四年相單程等下攻臨沅遣謁者李嵩中山太守馬成擊之不能剋明年春遣伏波將軍馬援中郎

將劉匡馬武孫永等將兵至臨沅擊破之單程等飢困乞降會援病卒謁者宗均聽悉受降爲置吏司羣

蠻遂平肅宗建初元年武陵澧中蠻陳從等反叛入零陽蠻界

零陽縣屬武陵郡

其冬零陽蠻五里精夫爲郡擊

破從從等皆降三年冬澧中蠻覃兒健等復反

澧水名源出今澧州崇義縣

攻燒零陽作唐孱陵界中

作唐縣屬武陵郡孱陵縣故城

今荆州公安縣西甯晉仕顏反

明年春發荊州七郡及汝南潁川弛刑徒吏士五千餘人拒守零陽募充中五里蠻精

士不叛者四千人擊澧中賊

充縣屬武陵郡充晉衡

五年春覃兒健等請降不許郡因進兵與戰於宏下大破之斬

兒健首餘皆棄營走還澧中復遣乞降乃受之於是罷武陵屯兵賞賜各有差和帝永元四年冬澧中澧

中蠻潭戎等反燔燒郵亭殺略吏民郡兵擊破降之安帝元初二年澧中蠻以郡縣徭稅失平懷怨恨遂

結充中諸種二千餘人攻城殺長吏州郡募五里蠻大亭兵追擊破之皆散降賜五里大亭渠前金帛各

有差明年秋澧中澧中蠻四千人並爲盜賊又零陵蠻羊孫陳湯等千餘人

零陽縣屬武陵郡也著赤幘稱將軍燒

官寺抄掠百姓州郡募蠻討平之順帝永和元年武陵太守上書以蠻夷率服可比漢人增其租賦議

者皆以爲可尙書令虞詡獨奏曰自古聖王不臣異俗非德不能及威不能加知其獸心貪婪難率以禮是故騎驢而綏撫之附則受而不逆叛則棄而不追先帝舊典貢稅多少所由來久矣今猥增之必有怨叛計其所得不償所費必有後悔帝不從其冬澧中蠻果爭貢布非舊約遂殺鄉吏舉種反叛明年春蠻一萬人圍充城八千人寇夷道遣武陵太守李進討破之斬首數百級餘皆降服進乃簡選良吏得其情和在郡九年梁太后臨朝下詔增進秩二千石賜錢二十萬桓帝元嘉元年秋武陵蠻詹山等四千餘人反叛拘執縣令屯結深山至永興元年太守應奉以恩信招誘皆悉降散永壽三年十一月長沙蠻反叛屯益陽至延熹三年秋遂抄掠郡界衆至萬餘人殺傷長吏又零陵蠻入長沙冬武陵蠻六千餘人寇江陵荊州刺史劉度謁者馬睦南郡太守李肅皆奔走肅主簿胡爽扣馬首諫曰蠻夷見郡無儆備故敢乘間而進明府爲國大臣連城千里舉旄鳴鼓應聲十萬奈何委符守之重而爲遁逃之人乎肅拔刃向爽曰掾促去太守今急何暇此計爽抱馬固諫肅遂殺爽而走帝聞之徵肅棄市度睦減死一等復爽門閭拜家一人爲郎於是以前校令度尙爲荊州刺史討長沙賊平之又遣車騎將軍馮緄討武陵蠻並皆降散軍還賊復寇桂陽太守廖祈奔走廖音力武陵蠻亦更攻其郡太守陳奉率吏人擊破之斬首三千餘級降者二千餘人至靈帝中平三年武陵蠻復叛寇郡界州郡擊破之禮記稱南方曰蠻雕題交趾

其俗男女同川而浴故曰交趾

交趾其風以骨青混也

其西有噉人國生首子輒解而食之謂之宜弟昧音則

以遺其君君喜而賞其父取事美則讓其兄今烏潯人是也

萬歲南州異物志曰烏潯地名也在廣州之南交州之北恆出道間伺候行旅輒出擊之

利得人食之不食其財貨並以之爲君殖之取

其骸體破之以飲酒以人掌趾爲羹以食老也

平越裳以三象重譯而獻白雉曰道路悠遠山川阻深音使不通故重譯而朝成王以歸周公曰德不

加焉則君子不鑒其賢

賢亦賢也

政不施焉

君子不臣其人

吾何以獲此賜也其使請曰吾受命吾國之黃

帝爾雅曰黃髮皤背耆老壽也

曰久矣天之無烈風雷雨

爾雅曰黃髮皤背耆老壽也

意者中國有聖人乎有則盍往朝之周公乃歸

之於王

事見尙書大傳

稱先王之神致以薦于宗廟

德既衰於是稍絕及楚子稱霸朝貢百越秦并天下威服

蠻夷始開領外置南海桂林象郡漢興尉佗自立爲南越王傳國五世

前書南粵王趙佗其人也秦時爲南海尉佗孫胡胡子嬰嬰齊

子與也

至武帝元鼎五年遂滅之分置九郡交趾刺史領焉其珠崖儋耳二郡在海洲上東西千里南北五

百里其渠帥貴長耳皆穿而縋之垂肩三寸武帝末珠崖太守會稽孫幸調廣幅布獻之蠻不堪役遂攻

郡殺幸幸子豹合率善人還復破之自領郡事討擊餘黨連年乃平豹遣使封還印綬上書言狀制詔卽

以豹爲珠崖太守

卽就

威政大行獻命歲至中國貢其珍賂漸相侵侮故率數歲一反元帝初元三年遂

罷之凡立郡六十五歲逮王莽輔政元始二年日南之南黃支國來獻犀牛凡交趾所統雖趾郡縣而言

語各異重譯乃通人如禽獸長幼無別項髻徒跣

爲髻於項上也

以布貫頭而著之後頗徙中國罪人使雜居其

間乃稍知言語漸見禮化光武中興錫光爲交趾任延守九真於是教其耕稼制爲冠履初設媒娉始知

姻娶建立學校導之禮義建武十二年九真徼外蠻里張游

里蠻之別號今呼爲俚人

率種人募化內屬封爲歸漢里

君明年南越徼外蠻夷獻白雉白菟至十六年交趾女子徵側及其妹徵貳反攻郡徵側者薳洽縣雒將

之女也

薳音莫支反音零

嫁爲朱載人詩索妻甚雄勇交趾太守蘇定以法繩之側忿故反於是九真日南合浦

蠻里皆應之凡略六十五城自立爲王交趾刺史及諸太守僅得自守光武乃詔長沙合浦交趾具車船

脩道橋通鄣谿儲糧穀十八年遣伏波將軍馬援樓船將軍段志發長沙桂陽零陵蒼梧兵萬餘人討之

明年夏四月援破交趾斬徵側徵貳等餘皆降散進擊九真賊都陽等破降之徙其渠帥三百餘口於零

陵於是領表悉平肅宗元和元年日南徼外蠻夷究不事人

究不事人蠻夷別號也

邑豪獻生犀白雉和帝永元十

二年夏四月日南象林蠻夷二千餘人寇掠百姓燔燒官寺郡縣發兵討擊斬其渠帥餘衆乃降於是置

象林將兵長史以防其患安帝永初元年九真徼外夜郎蠻夷舉土內屬開境千八百四十里元初二年

蒼梧蠻夷反叛明年遂招誘鬱林合浦蠻漢數千人攻蒼梧郡鄧太后遣侍御史任芝

音卓

奉詔赦之賊皆

降散延光元年九真徼外蠻夷獻內屬三年日南徼外蠻復來內屬順帝永建六年日南徼外葉調王便

遣使貢獻帝賜調便金印紫綬

○劉攽曰按國名彙調其王名便此作調便衍一調字也

永和二年日南象林徼外蠻夷區憐等數千

人攻象林縣燒城寺殺長吏交趾刺史樊演發交趾九真二郡兵萬餘人救之兵士憚遠役遂反攻其府

二郡雖擊破反者而賊勢轉盛會侍御史賈昌使在日南卽與州郡并力討之不利遂爲所攻圍歲餘而

兵穀不繼帝以爲憂明年召公卿百官及四府掾屬問其方略皆議遣大將發荆揚兗豫四萬人赴之大

將軍從事中郎李固駁曰若荆揚無事發之可也今二州盜賊繁結不散武陵南郡蠻夷未輯長沙桂陽

數被徵發如復擾動必更生患其不可一也又兗豫之人卒被徵發遠赴萬里無有還期詔書迫促必致

叛亡其不可二也南州水土溫暑加有瘴氣致死亡者十必四五其不可三也遠涉萬里士卒疲勞比至

領南不復堪鬪其不可四也軍行三十里爲程而去日南九千餘里三百日乃到計人稟五升

古升小故日五升也

用米六十萬斛不計將吏驢馬之食但負甲自致費便若此其不可五也設軍到所在死亡必衆旣不足

禦敵當復更發此爲刻削心腹以補四支其不可六也九真日南相去千里發其吏民猶尙不堪何況乃

苦四州之卒以赴萬里之艱哉其不可七也前中郎將尹就討益州叛羌益州諺曰虜來尙可尹來殺我

後就徵還以兵付刺史張喬喬因其將吏旬月之間破殄寇虜此發將無益之效州郡可任之驗也宜更

選有勇略仁惠任將帥者以爲刺史太守悉使其往交趾今日南兵單無穀守旣不足戰不能可一切

徙其吏民北依交趾事靜之後乃命歸本還募蠻夷使自相攻轉輸金帛以爲其資有能反間致頭首者

許以封侯列土之賞故并州刺史長沙祝良慙多勇決又南陽張喬前在益州有破虜之功皆可任用昔

太宗就加魏尚爲雲中守

前書曰魏里人魏尚爲雲中守以斬首捕虜上功不實免馮唐言之於文哀帝帝帝令唐持節赦尚復以爲雲中守○劉攽曰注前書曰案文多一日字

卽拜龔舍爲太山太守

前書曰舍字君倩初徵爲諫大夫病免復徵爲博士又病去頃之哀帝遣使卽楚拜舍爲太山太守

宜卽拜良等便道之官四府悉

從固議卽拜祝良爲九真太守張喬爲交趾刺史喬至開示慰誘並皆降散良到九真單車入賊中設方

略招以威信降者數萬人皆爲良築起府寺由是嶺外復平建康元年日南蠻夷千餘人復攻燒縣邑遂

屬勳九真與相連結交趾刺史九江夏方開恩招誘賊皆降服時梁太后臨朝美方之功遷爲桂陽太守

桓帝永壽三年居風令貪暴無度縣人朱達等及蠻夷相聚攻殺縣令衆至四五百人進攻九真九真太

守兒式戰死

兒音五反

詔賜錢六十萬拜子二人爲郎遣九真都尉魏朗討破之斬首二千級渠帥猶屯據

日南衆轉強盛延熹三年詔復拜夏方爲交趾刺史方威惠素著日南宿賊聞之二萬餘人相率詣方降

靈帝建寧三年鬱林太守谷永以恩信招降烏潯人十餘萬內屬皆受冠帶開置七縣熹平二年冬十二

月日南徼外國重譯貢獻光和元年交趾合浦烏潯蠻反叛招誘九真日南合數萬人攻沒郡縣四年刺

史朱儁擊破之六年日南徼外國復來貢獻

巴郡南郡蠻本有五姓巴氏樊氏譚氏音相氏鄭氏皆出於武落鍾離山代本曰廩君之先故出巫廩也其山有赤黑二

穴巴氏之子生於赤穴四姓之子皆生黑穴未有君長俱事鬼神乃共擲劍於石穴約能中者奉以為君

巴氏子務相乃獨中之眾皆歎又令各乘土船約能浮者當以為君餘姓悉沈唯務相獨浮因共立之是

為廩君乃乘土船從夷水至鹽陽荊州圖曰副夷縣西有溫泉古老相傳此泉原出鹽于今水有鹽氣縣西一獨山有石穴有二大石並立穴中相去可一丈俗名為陰陽石陰

石常濕陽石常燥盛弘之荊州記曰昔廩君浮夷水射鹽神于陽石之上按今施州清江縣水一名鹽水

源出清江縣西都亭山水經云夷水巴郡魚復縣注云水色清照十丈分沙石蜀人見澄清因名清江也

○劉攽曰注夷水巴郡魚復縣接文少一經字鹽水有神女謂廩君曰此地廣大魚鹽所出願留共居廩君不許鹽神暮輒來取

宿旦即化為蟲與諸蟲羣飛掩蔽日光天地晦冥積十餘日廩君思其便因射殺之天乃開明代本曰廩君使人操

青樓以遺鹽神曰嬰此即相宜云與女俱生宜將去鹽神受纓而嬰之廩君即立陽石上應青樓而射之中鹽神鹽神死天乃大開也○劉攽曰注即相宜云與女俱生宜將去按文少一不字廩君於

是君乎夷城此已上並見代本也四姓皆臣之廩君死魂魄世為白虎巴氏以虎飲人血遂以人祠焉及秦惠王并

巴中以巴氏為蠻夷君長世尚秦女其民爵比不更○劉攽曰巴氏之君可有爵耳民何故輒得之明爵民字有罪得以爵除其君長

歲出賦二千一十六錢三歲一出義賦千八百錢其民戶出幪布八丈二尺雞羽三十鏹說文幪南蠻夷布也音公亞反

毛詩四鏹既均儀禮矢鏹一乘鄭玄注曰鏹猶侯也侯物而射之也三十鏹一百四十九俗本幪作蒙鏹

作鏹者並誤也○劉攽曰注按鏹二羽當九十若四矢為一鏹則三百六十無緣得一百四十九未詳

漢興南郡太守靳彊請一依秦時故事至建武二十三年南郡潯山蠻雷遷等始反叛潯音寇掠百姓遣

乾隆四年校刊後漢書卷一百十六列傳五

武威將軍劉尚將萬餘人討破之徙其種人七千餘口置江夏界中今河中蠻是也和帝永元十三年巫

蠻許聖等

巫縣屬南郡

以郡收稅不均懷怨恨遂屯聚反叛明年夏遣使者督荊州諸郡兵萬餘人討之聖等

依憑阻隘久不破諸軍乃分道並進或自巴郡魚復數路攻之蠻乃散走斬其渠帥乘勝追之大破聖等聖等乞降復悉徙置江夏靈帝建寧二年江夏蠻叛州郡討平之光武三年江夏蠻復反與儋江賊黃穰相連結十餘萬人攻沒四縣寇患累年廬江太守陸康討破之餘悉降散

板楯蠻夷者秦昭襄王時有一白虎常從羣虎數遊秦蜀巴漢之境傷害千餘人昭王乃重募國中有能

殺虎者賞邑萬家金百鎰時有巴郡閬中夷人能作白竹之弩乃登樓射殺白虎

華陽國志曰巴夷廖仲等射殺之也

昭王

嘉之而以其夷人不欲加封乃刻石盟要復夷人頃田不租十妻不算

優寵之故一戶免其一頃田之稅雖有十妻不輸口算之錢復音福

傷人者論殺人者得以倏錢贖死

何承天纂文曰倏蠻夷贖罪貨也音徒遼反

盟曰秦犯夷輸黃龍一雙夷犯秦輸清酒一鍾

夷人安之至高祖爲漢王發夷人還伐三秦秦地既定乃遣還巴中復其渠帥羅朴督鄂度夕龔七姓不

輸租賦餘戶乃歲入實錢口四十世號爲板楯蠻夷閬中有渝水其人多居水左右天性勁勇初爲漢前

鋒數陷陳俗喜歌舞

喜音虛記反

高祖觀之曰此武王伐紂之歌也乃命樂人習之所謂巴渝舞也遂世世服

從至於中興郡守常率以征伐桓帝之世板楯數反太守蜀郡趙溫以恩信降服之靈帝光和三年巴郡

板楯復叛寇掠三蜀及漢中諸郡靈帝遣御史中丞龔璜督益州兵討之連年不能剋帝欲大發兵乃問益州計吏考以征討方略漢中上計程包對曰板楯七姓射殺白虎立功先世復爲義人其人勇猛營於兵戰昔永初中羌入漢川郡縣破壞得板楯救之羌死敗殆盡故號爲神兵羌人畏忌傳語種輩勿復南行至建武二年羌復大入寶賴板楯連摧破之前車騎將軍馮緄南征武陵雖受丹陽精兵之銳史記曰周成王封楚熊繹始居丹陽今歸州秭歸縣東南故城是也至楚文王始自丹陽遷於郢績漢志云南郡枝江縣有丹陽聚也亦倚板楯以成其功近益州郡亂太守李暉亦以板楯討而平之忠功如此本無惡心長吏鄉亭更賦至重僕役鑿楚過於奴虜亦有嫁妻賣子或乃二自頸割雖陳宛州郡而牧守不爲通理闕庭悠遠不能自聞含怨呼天叩心窮谷愁苦賦役困權酷刑以邑落相聚以致叛戾非有謀主僭號以圖不軌今但選明能牧守自然安集不煩征伐也帝從其言遣太守曹謙宣詔赦之卽皆降服至中平五年巴郡黃巾賊起板楯蠻夷因此復叛寇掠城邑遣西園上軍別部司馬趙瑾討平之

西南夷

西南夷者在蜀郡徼外有夜郎國東接交趾西有滇國北有邛都國各立君長其人皆椎結左衽邑聚而

居能耕田其外又有嵩昆明諸落西極同師東北至葉榆

葉榆縣屬益州郡葉或作櫟臣賢按前書曰西自同師以東北至葉榆名爲嵩昆明今流俗諸

本並作布魯昆明蓋地方數千里無君長辯髮隨畜遷徙無常自嶺東北有祚都國東北有冉駝國或土

著或隨畜遷徙自冉駝東北有白馬國氏種是也此三國亦有君長

夜郎者初有女子浣於邈水有三節大竹流入足間聞其中有號聲剖竹視之得一男兒歸而養之及長

有才武自立爲夜郎侯以竹爲姓

見華陽國志

武帝元鼎六年平南夷爲牂牁郡夜郎侯迎降天子賜其王印

綬後遂殺之夷獠咸以竹王非血氣所生甚重之求爲立後牁太守吳霸以聞天子乃封其三子爲侯

死配食其父今夜郎縣有竹王三郎神是也

前書地理志曰夜郎縣有邈水東至廣鬱華陽國志云邈水通鬱林有三郎祠皆有靈響又云竹王所捐破竹於野成竹

林今王祠竹林是也王嘗從人止大石上命作羹從者白無水王以劍擊石出水今竹王水是也

初楚頃襄王時遣將莊豪從沅水伐夜郎軍至且蘭

船於岸而步戰既滅夜郎因留王滇池以且蘭有牁船牁柯處乃改其名爲牁柯

異物志曰牁柯繫船棧也

牁地多

雨潦俗好巫鬼禁忌寡畜生又無蠶桑故其郡最貧句町縣有桃根本可以爲麪百姓資之

臨海異物志曰桃根本外

皮有毛似拼欄而散生其木剛作鋸鋤利如鐵中石更利唯中蕉根乃致敗耳皮中有似擔稻米片又似

麥麪中作餅餅廣志曰桃根樹大四五圍長五六丈拱直旁無枝條其根生葉不過數十似櫻葉破其木

肌堅難傷入數寸得

麪赤黃密緻可食也公孫述時大姓龍傳尹董氏與郡功曹謝還保境爲漢乃遣使從番禺江奉貢

南越志曰

番禺縣之西

有江浦焉光武嘉之並加褒賞桓帝時郡人尹珍自以生於荒裔不知禮義乃從汝南許慎應奉受經

書圖緯學成還鄉里教授於是南域始有學焉珍官至荊州刺史

華陽國志曰尹珍字道真毋斂縣人也

漢王者莊躋之後也元封二年武帝平之以其地爲益州郡割牂柯越嶲各數縣配之後數年復并昆明

地皆以屬之此郡有池周回二百餘里水源深廣而未更淺狹有似倒流故謂之滇池河土平敞多出鵲

鷁孔雀有鹽池田漁之饒金銀畜產之富人俗豪怙怙奢居官者皆富及累世及王莽政亂益州郡夷棟

蠶若豆等起兵殺郡守越嶲姑復夷人大半亦皆叛殺略吏人莽遣靈始將軍廉丹發巴蜀吏人及轉兵

穀卒徒十餘萬擊之吏士飢疫連年不能剋而還以廣漢文齊爲太守造起陂池開通漑灌墾田二千餘

頃率厲兵馬脩障塞降集羣夷甚得其和及公孫述據益土齊固守拒險述拘其妻子許以封侯齊遂不

降聞光武卽位乃間道遣使自聞蜀平徵爲鎮遠將軍封成義侯取其嘉名於道卒詔爲起祠堂郡人立廟祀

之建武十八年夷渠帥棟蠶與姑復櫟榆檇棟連然滇池建伶昆明諸種反叛殺長史姑復縣屬越嶲郡餘六縣並屬益州

郡益州太守繁勝與戰而敗退保朱提縣屬犍爲郡朱音殊提音匙十九年遣武威將軍劉向等發廣漢犍爲蜀郡人

及朱提夷合萬三千人擊之尙軍遂渡瀘水入益州界瀘水一名若水出牂牛徼外經朱提至犍道入江在今犍州南特有瘴氣三月四月經之必死五月

以後行者得無害故諸葛亮表云五月渡瀘言其艱苦也羣夷聞大兵至皆棄壘奔走尙獲其羸弱穀畜二十年進兵與棟蠶等連戰

數月皆破之明年正月追至不韋孫盛蜀譜曰利秦徙呂不韋子弟宗族於蜀漢武帝開西南夷置郡縣徙呂氏以充之因置不韋縣華陽國志曰武帝通博南置不韋縣徙南

越相呂嘉子孫宗族資之因名不韋以章其先人之惡行也○劉攽曰斬棟蠶帥凡首虜七千餘人得生

注通博南出直不韋又宗族資之案文出直本共是置字資當作實
乾隆四年校刊
後漢書卷一百十六列傳
七

口五千七百人馬三千匹牛羊三萬餘頭諸夷悉平肅宗元和中蜀郡王追爲太守政化尤異有神馬四匹出滇池河中甘露降白鳥見始興起學校漸遷其俗靈帝熹平五年諸夷反叛執太守雍陟遣御史中丞朱龜討之不能剋朝議以爲郡在邊外蠻夷喜叛勞師遠役不如棄之太尉掾巴郡李暅建策討伐乃拜暅益州太守與刺史龐芝發板楯蠻擊破平之還得雍陟嗣卒後夷人復叛以廣漢景毅爲太守討定之毅初到郡米斛萬錢漸以仁恩少年間米至數十云

少年未多年也

哀牢夷者其先有婦人名沙壹居于牢山嘗捕魚水中觸沈木若有感因懷妊十月產子男十人後沈木化爲龍出水上沙壹忽聞龍語曰若爲我生子今悉何在九子見龍驚走獨小子不能去背龍而坐龍因識之其母烏語謂背爲九謂坐爲隆因名子曰九隆及後長大諸兄以九隆能爲父所砥而黠遂共推以爲王後牢山下有一夫一婦復生十女子九隆兄弟皆娶以爲妻後漸相滋長種人皆刻畫其身象龍文衣著尾

自此以上並見風俗通也

九龍死世世相繼

哀牢傳曰九隆代代相傳名號不可得而數至最禁高乃可記知禁高死子吸代吸死子建非代建非死子哀牢代哀牢死子桑藕

代桑藕死子柳承代柳承死子柳貌代柳貌死子扈栗代

乃分置小王往往邑居散在谿谷絕域荒外山川阻深生人以來未嘗交通

中國建武二十三年其王賢栗遣兵乘篳船

篳音蒲佳反縛竹木爲篳以當船也

南下江漢擊附塞夷鹿蓼

蓼音多其種今見在鹿蓼

人鵬爲所禽獲於是震雷疾雨南風飄起水爲逆流翻涌二百餘里篳船沈沒哀牢之衆溺死數千人賢

果復遺其六王將萬人以攻鹿蓼鹿蓼王與戰殺其六王哀牢耆老共埋六王夜虎復出其尸而食之餘

衆驚怖引去賢栗惶恐謂其耆老曰我曹入邊塞自古有之今攻鹿蓼輒被天誅中國其有聖帝乎天祐

助之何其明也二十七年賢栗等遂率種人戶二千七百七十口萬七千六百五十九詣越嶲太守鄭鴻

降求內屬光武封賢栗等爲君長自是歲來朝貢永平十二年哀牢王柳貌遣子率種人內屬其稱昌王

耆七十七人戶五萬一千八百九十口五十五萬三千七百一十一西南去洛陽七千里顯宗以其地置

哀牢博南二縣割益州郡西部都尉所領六縣古今注曰永平十年置益州西部都尉居唐續漢志六縣謂不韋堪唐比蘇樸榆邪龍雲南也合爲永

昌郡始通博南山度蘭倉水華陽國志曰博南縣西山高三十里越之度蘭倉水也行者苦之歌曰漢德廣開不賓度博南越蘭津

度蘭倉爲它人哀牢人皆穿鼻僂耳其渠帥自謂王者耳皆下肩三寸庶人則至肩而已土地沃美宜五

穀蠶桑知染采文繡屬屬解見李恂傳帛疊外國傳曰諸薄國女織作白疊花布蘭干細布華陽國志曰織成文章如綾

錦有梧桐木華續以爲布廣志曰梧桐有白者則圓有桐木其華有白者取其香淹漬緝織以爲布也幅廣五尺潔白不受垢汙先以覆亡人

然後服之其竹節相去一丈名曰濮竹見華陽國志出銅鐵鉛錫金銀光珠華陽國志曰蘭倉水有金沙洗取融爲金有光珠穴博物志曰光珠

卽江虎魄廣雅曰虎魄生地中其上及旁不生草深者八九尺大如斛剖去皮成虎魄如斗初時如桃

珠也疑堅乃成博物志曰松脂淪入地千年化爲茯苓茯苓千歲化爲虎魄今大山有茯苓而無虎魄永昌有虎魄水精瑠璃東漢書卷一百十六列傳蟲蚌珠徐東南方草物狀曰凡採珠常三月用五性祈禱若祠祭有失

而無茯苓也水精瑠璃蟲蚌珠則風撻海水或有大魚在蚌左右蚌珠長三寸半凡二品珠也孔雀

翡翠犀象猩猩貘獸

元水經注曰猩猩形若狗而人面頭端正善與人言音聲妙麗如婦人對語聞之無不酸楚南中志曰猩猩在山谷中行無常路百數爲羣土人以酒若糟設於路

又喜騰子土人織草爲屨數十疋相連結猩猩在山谷見酒及騰知其設張者卽知張者先祖名字乃呼其名而罵云如欲張我捨之而去而又還相呼謔共嘗酒初嘗少許又取騰子著之若進兩三升便大醉人出收之騰子相連不得去執還內牢中人欲取者到牢邊語云猩猩汝可自相推肥者出之既擇肥竟相對而泣卽左思賦云猩猩嗜酒而就食者也昔有人以猩猩餉封侯令問餉何物猩猩自於籠中日但有酒及僕耳無它飲食南中八郡志曰額大如盤狀頗似熊多力食鐵所觸無不拉廣志曰額色蒼白其皮溫煖雲南縣有神鹿兩頭能食毒草

見華陽志先是西

部都尉廣漢鄭純爲政清絮化行夷貊君長感慕皆獻土珍頌德美天子嘉之卽以爲永昌太守純與哀

牢夷人約邑豪族輸布貫頭衣二領鹽一斛以爲常賦夷俗安之純自爲都尉太守十年卒官建初元年

哀牢王類牢與守令忿爭遂殺守令而反叛攻越嵩唐城

○劉放曰按嵩唐自是縣屬永昌後人不知妄增越城二字

太守王尋奔牂

榆哀牢三千餘人攻博南燔燒民舍肅宗募發越嵩益州永昌夷漢九千人討之明年春邪龍縣

郡國志曰屬永

昌郡

昆明夷國承等應募率種人與諸郡兵擊類牢於博南大破斬之傳首洛陽賜國承帛萬匹封爲破

虜傍邑侯永元六年郡徵外敦忍乙王慕延慕義遣使譚獻犀牛大象九年徵外蠻及揮國王雍由調

據東觀作擅字

遣重譯奉國珍寶和帝賜金印紫綬小君長皆加印綬錢帛永初元年徵外僬僂種夷陸類等三

千餘口舉種內附獻象牙水牛封牛永寧元年揮國王雍由調復遣使者詣闕朝賀獻樂及幻人能變化

吐火自支解易牛馬頭又善跳丸數乃至千自言我海西人海西卽大秦也揮國西南通大秦明年元會